

# CUMÙNI DI SANTU DIADÒRU

(Provincia di Sassari)

## UFFÌCIU SILVÌZI SUZIÀLI

Carréra Grazia Deledda, snc – 07052 Santu Diadòru (SS)– tel. 0784/8600, fax 0784/865192


pec. [servizisociali@pec.comunesanteodoro.it](mailto:servizisociali@pec.comunesanteodoro.it)



Comune di San Teodoro



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



UNIONE DEI COMUNI RIVIERA DI GALLURA

Progèttu

“DA LI STAZZI A LU MARI”

annualità 2021

Finanziàtu da la Legghji 482 di lu 1999,  
altìcculi 9 e 15 e

Legghji Regionali 22 di lu 2018

## AVVÌSU PÙBBRICU

“Bonus Nidi Dibbàta”

Sigundu Semestri di lu 2021 (Aglíola-Natali di lu 2021)



Legghji regionali di la dì 6 di natali di lu 2019, innummaru 20, altìcculu 4, comma 8 littara A). *Intelvènti pa' sustiné la 'ntràta a li silvizi pa' la primma piccinnia pal mezu di l'attarramentu di la retta pa' la fraccuenza in nidi e micronidi pubbrichi o priàti cumparàti in convenzioni da lu Cumuni.*

## LA 'NGARRIGÀTA DI LU SITTÓRI SUZIU-CULTURALI PALISÌGGHJA

chi da la pubbricazioni di lu presenti avvisu e finza a la dì **17 di Natali di lu 2021 a MEZUDÌ** si piddhani li dummandi di accessua li cuntribbutti pa' l'attarramèntu di la retta pa' la fraccuènzà in nidi e micronidi pubbrichi, priàti cumparàti in convenzioni da li Cumuni, o priàti chènà convenzioni **pa' lu trèttu chi anda da AGLIÓLA a NATALI di lu 2021** (misura "Nidi Dibbàta" altìcculu 4, comma 8, littara A, legghji regionali di la dì 6 di natali di lu 2019, innummaru 20, e altìcculu 7, commi 7 e 11, legghji regionali di la dì 15 di natali di lu 2020, innummaru 30).

Sarà ancóra pussibbili **presentà dummanda di cuntribbuttu pa' lu primmu semestri di lu 2021 (trèttu chi anda da Ghjinnàgghju a Lämpata)** pa' li chi no àni présu palti a l'avvisu online, scadutu la dì 6 d'aglióla di lu 2021. Li dummandi venaràni **accittàti cun riselva, e studiati dapói d'áé cumpritu cun li dummandi riferuti a lu sigundu semestri.**

Lu pussibbili pacamentu di lu cuntribbuttu pa' lu primmu semestri di lu 2021 sarà fattu finza a arrià a la capienza massima di lu finanziamentu.

Lu "bonus Nidi Dibbàta" doarà esse dummandatu da li famìli a lu Cumuni chi ricéi la retta pa' li silvizi fruniti e si podarà aé pa' un impòltu massimu di € 200,00 a lu mesi pa' dugna fiddhólu a garrigu da 0 a 36 mesi. Sò rimbussabbili li costi di li silvizi riferuti a lu trèttu chi anda da la primma dì di ghjinnàgghju di lu 2021 e la dì 31 di natali di lu 2021 pa' un massimu di 11 minsilitài ed è ricunnòttu a li famìli undi l'ISEE 2021 no superigghja li € 40.000,00.

### **1. Lu chi selvi pa' esse ammissi a lu cuntribbutu**

Póni prisintà la dummanda "Bonus nidi dibbàta" pa' azzidì a li cuntribbutti pa' l'abbattimentu di la retta pa' la fraccuènzà in nidi e micronidi pubbrichi o priàti, cumparàti in convenzioni da li Cumuni o priàti chènà convenzioni pa' la misura "Nidi dibbàta" (a li sensi di l'altìcculu 4, comma 8 di la Legghji Regionali n. 20 di lu 2019 e di l'altìcculu 7, comma 11 di la Legghji Regionali n. 30 di lu 2020), li nuclei familiari, ancóra cumposti da la mamma sólu o lu babbu sólu, e sò cumprési li famìli di fattu chi àgghjini lu chi sighi:

- a) s'iani cumpòsti alumancu da unu o più fiddhóli fiscalmenti a garrigu, di età cumpréa tra li zeru e li tre anni (dui anni e 365 dì), ancóra in adoziòni o affidu, in almunìa cun cantu previstu pa' lu bonus INPS, pa' lu stédthu chi còmpra 3 anni in fra di l'annu di presentazioni di la dummanda, sarà pussibbili ricìi lu rimborsu sólu di li mensilitài di aglióla e àustu;
- b) aé prisintatu a l'INPS, l'ISEE calculatu a li sensi di l'altìcculu 7 di lu Decrettu di lu Presidènti di lu Cunsigliu di li Ministri n. 159 di lu 2013, pa' li prestazioni rivolti a li minorenni illu nucleu familiari. L'indicadóri chi venarà presu come riferimentu pa' lu calculu di lu tantu di la prestazioni chi spetta è chissu di lu steddhu chi è statu dummandatu lu benefiziu. Siddhu no vèni dichjaràtu l'ISEE, venarà consideratu l'ISEE massimu;

- c) aé prisintatu la dummanda Bonus Nidi INPS (a l'alticculu 1, comma 355, legghji di la dì 11 di natali di lu 2016, innummaru 232) chi da li risultanzi sia rilevabbili l'effettiva idoneità e lu tantu di lu bonus discriptu a innanzi.

Siddhu, pa' cassisìa muttù, a la data di scadenza di lu presenti Avvisu, no è pussibbili pa' la familia attistà l'idoneità e lu cuntribbutu a iddhu liàtu di lu Bonus nidi INPS (esempiu, in casu di iscrizioni di li steddhi minóri in graduatoria pa' l'a.e. 2020-2021 e a la scadenza di l'Avvisu no sia statu ancóra pussibbili aé prisintatu la dummanda Bonus Nidi INPS), lu cumuni arà a ricì lu mattèssi la dummanda "cun riselva" e la ponarà in graduatoria, dèndili lu massimali previstu, cunfruntatu cun l'ISEE.

Siddhu a la data di scadenza di l'Avvisu predispostu da li Cumuni, no sia statu pussibbili pa' la familia sapé lu tantu ghjustu di l'ISEE in cursu di validità, la familia mattèssi podarà autodichjarà chi lu 'alóri no superigghja lu tantu massimo previstu di 40.000 euro. Lu Cumuni arà a ricì lu mattèssi li dummandi ammittendili "cun riselva" e cunsidarendi come fascia di cuntribbutu chissa prevista tra li 30.000 e li 40.000 euro. Siddhu in sedi di cumpùtu di l'autodichiarazione l'ISEE dichjaratu doarèssia cumparì superiori a lu massimu previstu, si faciarà lu rigettu di l'istanza o la revoca di lu finanziamentu.

Li silvizi ammissibbili illu Bonus Nidi dibbàta 2021 cumprendini nidi, micronidi, sezioni branu, nidi dumaticiliari, nidi aziendali pubbrichi o priàti cumparàti in convenzioni da li Cumuni o priàti chena convenzioni.

## **2. Modalità di prisintazioni di li dummandi e scadènzia**

La dummanda di cuntribbutu "Bonus nidi dibbàta" vó prisintata, da lu babbu o la mamma di lu stèddhu a lu Cumuni undi vèni erogatu lu silviziu, o illu Cumuni undi lu stèddhu minóri risulta in graduatoria pa' li posti dispunibbili di li silvizi pa' la piccinnità, trattèndi li modalità e entru lu tempu fissatu da lu mattèssi Cumuni.

La dummanda anda pultata di passòna a l'Ufficiu protocollu o spidùta pal mezu di mail PEC a: **protocollo@pec.comunesanteodoro.it**, trattèndi sòlu lu modulu fattu apposta **entru e no più taldu di mezudì di la dì 17 di natali di lu 2021.**

A la istanza d'ammissioni vóni allegati, pa' no esse esclusi da lu benefiziu mattèssi:

- Attestazioni ISEE calculatu a li sensi di l'alticculu 7 di lu Decretu di lu Presidenti di lu Consiglio di li Ministri innummaru 159 di lu 2013 (ISEE pa' prestazioni di frunì a passòni minorenni);
- Ciltificazioni chi attesta la prisintazione di la dummanda "Bonus Nidi INPS" da undi si possa 'idé l'effettiva idoneità e lu tantu di lu bonus;
- Autociltificazioni, pa' lu trèttu da la prima dì d'aglióla a la dì 31 di natàli di lu 2021, di lu pacamentu di li retti e lu tantu ricìutu da l'INPS come Bonus asili nidu.
- Coppia documentu di ricunniscimentu di lu babbu o la mamma chi facini la dummanda;
- Coppia documentu dattiluscrittu undi s'agatta scrittu in modu chjaru lu codici IBAN.
- No venaràni cunsidarati ammissibbili li dummandi arriàti dapói di la data scritta a innanzi.

Li moduli appositamenti pridisposti da lu Cumuni pa' la cumpilazioni di la dummanda sò dispunibbili illu sittu Internet di lu Cumuni di Santu Diadòru: [www.comunesanteodoro.gov.it](http://www.comunesanteodoro.gov.it) illa sizioni riferuta a lu presenti avvisu o ill'Ufficiu Infurmazioni, chi s'agatta illu pianu tarra di lu Cumuni, da lu luni a lu 'ènnari da li 9 a mezudì.

### **3. Misura e attribuzioni di lu cuntribbutu**

Lu cuntribbutu è cumulabili cun l'agevolazioni pa' la fraccuènzà di asili nidu pubbrichi e priati, chi faeddha la circolari 'nnummaru 27 di la dì 14 di friàgghju di lu 2020 di la Direzioni Centrali di l'INPS (bonus asili nidu) e è riccunnòttu a li nuclei familiari chi no superigghjini cun l'ISEE li 40.000,00€.

A li nuclei familiari ammessi a lu benefiziu, veni frunìtu un cuntribbutu finza a un massimu di:

- € 2.200,00 spaltùti in 11 minsilitài di 200,00€ pa' l'annu 2021, pa' li impolti ISEE tra € 0 e 30.000,00;
- € 1.833,37 spaltùti in 11 minsilitài di 166.67€ pa' l'annu 2021, pa' li impolti ISEE tra € 30.000,01 e € 40.000,00;

La misura di lu cuntribbutu vèni calcolata cussì:

**Impòltu retta – Bonus INPS asili nidu = Cuntribbutu RAS Bonus nidi dibbàta**, finza a carragghjà lu tantu di la retta e entru li massimali mintuati a innanzi.

Illu contu di la retta pó esse cumpréssu lu costu d'iscrizioni.

Illu presenti bandu sò rimbussabbili li costi di li silvizi riferuti a lu trèttu cumpréssu tra la prima dì d'aglióla e la dì 31 di natali di lu 2021 pa' un massimu di 6 minsilitài.

Si prizzisa chi lu cuntribbutu pa' l'annu 2021 è frunibbili pa' un massimu di 11 minsilitài, dunca li zittadini risultati binifiziaru di lu cuntribbutu pa' lu primmu semestri di lu 2021 cumplettu (6 mesi intréi), azzedaràni a lu presenti bandu sólu pa' 5 minsilitài.

Lu rimbussu di li costi di li silvizi riferuti a lu trèttu compresu tra la prima dì di ghjinnàgghju e la dì 30 di làmpata di lu 2021 venarà fatta dapói, francu dispunibbilitài di risorsi finanziari.

L'intelventu no escludi d'azzidì a altu misuri di sustegnu a la cunciliazioni tra trabaddhu e familia (es. Silvizi pa' lu baby sitting, ecc.) e pó esse dummandàtu pa' dugna stéddhu minóri di lu nucleu familiari chi sia suttu a li tre anni d'età.

### **4. Modalità di individuazioni di li chi n'anni drittu:**

L'Ufficiu Silvizi Suziali di lu Cumuni di Santu Diadòru ricéi e cumpòni li dummandi di li nuclei familiari, cumpùta siddhu àni lu chi vi ó, l'autoceltificazioni di lu pacamèntu di la retta e li dispuzioni di pacamèntu minsili di lu bonus INPS asili nidu, diffini e apróa la graduatoria di li

chi n'ani drittu riferuta a lu sigundu semestri di lu 2021 e chissa di l'ammissi cun riselva riferuta a lu primmu semestri, cun lu tantu chi li spetta suppostu, uldinata sigundu lu 'alori ISEE (in casu di parità di ISEE, venarà data prioritai a lu 'nnummaru di fiddhóli fiscalmenti a garrigu). La graduatoria venarà pubblicata innantu a lu sittu istituzionali. La presenza in graduatoria no dà drittu a la frunitura di li finanziamèti, chi venaràni assignati a li binifizari finza a carragghjà lu totali di li fundi.

Comu previstu da li linii guida, lu critteriu di priurità di assignaziòni sarà sia economicu chi temporali, dunca li nuclei familiari chi àgghjini prisintatu la dummanda pa' lu primmu semestri e chi vóddhiani mantiné lu cuntribbutu ancóra pa' lu sigundu, aràni di turrà a cunfilmà la 'ulintai d'ae lu binifiziu, adduchèndi cussì lu drittu maturatu illa graduatoria.

### **5. Cumpùti e avvigliamenti**

Lu Cumuni di Santu Diadòru, a li sensi di l'alticculu 71 di lu Decretu di lu presidenti di la Repubblica innummaru 445 di lu 2000, faciarà cumpùti a casu pa' avvigliuà la 'iritai di li dichjaraziòni prisintati e li spesi sustinuti avvéru, pa' un minimu di lu 5% di li dummandi arriati. Comu dici l'alticculu 75 di lu Decretu di lu Presidenti di la Repubblica 445 di lu 2000, illu casu di falsi dichjaraziòni, a più di la responsabilità penali di l'interissatu, s'anda a innanzi sigundu la legghji.

### **6. Trattamentu di li dati passionali**

Li dati passionali chi venaràni in manu a l'Amministraziòni Cumunali in ocasiòni di lu presenti pruzzidimètu venaràni trattati illu 'rrispettu di lu Decretu Legislativu innummaru 196 di lu 2003 "Codici in Materia di prutiziòni di li dati passionali" e ss.mm.ii., di lu GDPR (Régulamentu UE 2016/679). L'infulmativa privacy è allegata a lu modulu di dummanda pa' lu cuntribbutu "Bonus Nidi Dibbàta" e s'agatta illu sittu istituzionali di lu Cumuni di Santu Diadòru illa sezìoni dedicata a la pubblicaziòni di lu presenti avvisu.

### **7. Pubblicitai e cuntatti**

Lu presenti Avvisu venarà publicatu ill'Albu pretoriu e innantu a la home page di lu sittu internet istituzionali di lu Cumunu di Santu Diadòru undi s'agatta ancóra lu modulu di dummanda, appiù di li linii guida regionali chi si invita a cunsultà pa' aé magghjori chjarimèti o infulmaziòni.

Pa' infulmaziòni dummandà ill'Ufficiu Silvizi Suziali mail: [m.mura@comunesanteodoro.gov.it](mailto:m.mura@comunesanteodoro.gov.it), tel.: 0784 860051, 0784 860053, 0784 860012.

Santu Diadòru, la dì 29 di santandria di lu 2021

f.to La Responsabbili di lu Silviziu Soziu –  
Culturali  
(Dott.ssa Maria Malgarita Lecca)